

漢
魏
叢
書

一
二

新
知
學
社

PDG

元經薛氏傳卷第五

隋 龍門王通經

唐 河東薛收傳

宋  阮逸註

明 新安程榮校

經東晉康帝建元元年春帝正月卽位夏四月遣將
伐蜀秋七月丁巳詔桓溫北伐圖中原冬十二月石
虎侵張駿戰于河西虎兵敗績

傳曰康帝諱嶽字世同成帝母弟也初封瑯琊王

庾冰謀立長君遂詔帝爲嗣及卽位欲定制度年
號興中朝故改元曰建元焉四月遣益州刺史
周撫陽太守曹據伐蜀李壽敗之于江陽七月
石虎將戴開率衆降詔曰慕容皝摧殄羯寇是天
亡之始也中原之舉宜加籌量戴開歸順宜遣使
詣安西諮謀軍事安西張駿也以輔國將軍桓溫入臨
淮庾亮爲都督以圖伐石虎冬十二月石虎恐涼
州爲後患張駿每遣使渡江多爲虎所獲於是伐
駿爲駿所敗春秋之例敵未陣曰某敗師若莊十

一年敗宋師于潘是也皆陣曰戰大崩曰敗績若
莊二十八年甲寅齊人伐衛衛人及齊人戰衛人
敗績是也或書地若僖二十二年冬十一月宋公
及楚人戰于泓宋師敗績又宣十二年六月荀林
父及楚人戰于泌楚師敗績是也

經建元二年春帝正月張駿討于闐破之二月慕容
皝及宇文歸戰于昌黎歸兵大敗奔漠北夏四月張
駿敗虎于三交城秋八月平北將軍桓宣卒衛將軍
褚裒鎮金城

九月巴東楊譙擊李勢戰獲其

將樂高丙申立皇太子戊戌帝崩于式乾殿塋于崇平陵

傳曰張駿東界置沙州西界至河州於姑臧築城流沙伐龜茲善鄯焉耆前部皆臣於駿南羗于闐不服駿遣和麟謝艾大破之鮮卑宇文歸遣其國相莫淺渾攻慕容皝皝不與戰渾不設備皝率騎兵擊之渾大敗乘勝斬其將涉奕于盡俘其衆徒五萬餘部落於昌黎改涉奕于城曰威德城行飲至之禮宇文歸遁于漠北張駿遣將張瓘敗石虎

將王擢于三交城不書名微也桓宣譙國人累有戰功次於祖逖周訪都督沔北前鋒軍事鎮襄陽石虎攻襄陽宣募精勇出其不意殺退之庾翼比討以宣爲司雍涼三州荊州之南襄陽新野南鄉四郡軍事後爲石虎將李罷所敗發憤卒蜀李勢驕吝荒淫不卹國事巴西太守楊譙擊其將申陽走之獲其將樂高經言勢亡國自此始也立皇子聃正嗣也戊戌帝崩至十月乙丑葬于崇平陵崩葬並書從舊史文也

經穆帝永和元年春帝正月卽位司空庾冰薨尚書
令諸葛恢卒六月癸亥地震冬十月都亭肅侯庾翼
卒司馬朱壽討于璿戴羲平之八月豫州路永出奔
趙張駿伐焉者

傳曰穆帝諱聃字彭子康帝子也卽位時二歲皇
太后褚氏臨朝攝政正月甲戌后設白紗帷於太
極殿抱帝臨軒改元庾冰字季康累以戰功遷會
稽內史初王導初喪人情洶然衆望歸冰咸曰賢
相康獻皇后臨朝徵輔政冰辭以疾尋卒年四十

九贈司

忠書薨進而賢之也曷謂賢曰冰以

兄亮

雄傑而天性清慎於政理家無

私積世以此稱

書三公足勸來者諸葛恢字道

明瑯琊人祖縱父親仕吳弱冠知名過江名亞王
導庾亮元帝初以恢爲簿太興初爲會稽太守

政績第一累遷尚書令卒年六十二六月地震主

約陽弱盛夏陰蔽陽之象也庾翼字稚恭少有大

畧見杜乂殷浩輩語人曰此輩東之高閣矣太平

然後議其任耳謂成帝曰桓溫有英雄之才勿以

常人遇之累遷南郡太守保石城得全翼之功多

亮卒授翼都督六州軍事代亮鎮武昌時稱才幹

由是河南皆懷歸附遣使東至遼東

慕容皝

西到涼

州

張駿

要結二方欲謀大舉以滅胡平蜀爲已任言

論慷慨形于詞色康帝卽位翼上表北伐曰賊虎

年已六十醜類怨叛又欲決死遼東若北無掣手

之虜卽江南不異遼左矣臣所以輒發良人不顧

忿咎然東西形援未必齊舉且北進安陸入沔輒

率南郡太守王愆期江夏相謝尚潯陽守袁真西

陽守曹據精銳三萬并北平桓宣搖蕩秦雍御以
長轡用逸待勞數年興復可冀臣臨許洛竊謂桓
溫可渡何充據淮泗路未進屯合肥於是發所統
六州奴及車牛騾馬向襄陽有衆四萬大會僚佐
陳旌甲親授弧矢曰我之行也君此射矣三起三
疊徒衆屬目其氣十倍俄疽背而卒年四十一書
曰都亭肅侯嘉其武也于璜戴義者何庾翼部將
也翼卒乃作亂翼司馬朱壽及將軍衆真討平之
永爲豫州刺史庾翼旣卒乃叛歸石虎書曰出奔

內

張駿伐焉耆北接烏孫地方四百里葱嶺

以東皆服張駿遣沙州刺史楊宣疆理西域降之

得衆四萬焉

經永和二年春帝正月錄尚書事何充卒夏四月己酉朔日有蝕之五月涼州牧張駿薨六月趙將王擢執涼州護軍胡軍又伐金城降張冲涼將謂艾拒

趙師敗績秋七月褚裒爲儀同三司冬十一月桓溫伐蜀十二月枉矢流于西北長半天

傳曰何充執謂曰充字次道潛人也少與王導善

日歷顯官王導庾亮並薦充方槩有萬夫之望由是加部尚書侍中庾冰兄弟以外戚權重爲外物所攻說帝宜立長君成帝從之充建議曰武王不授聖弟漢景欲傳祚梁王朝臣以爲不可今瑯琊卽位如獲子何康帝疾篤冰翼意在簡文充建議立太子是謂穆帝冰翼旣卒充輔幼主以褚裒者皇太后父宜綜朝政薦裒錄尚書事此選以忠臣爲先不以私恩樹親戚談者重之性好釋氏供沙門費巨億不吝親友則無所施遺以此獲譏阮

裕嘗戲之曰卿志大宇宙勇邁終古充曰何故裕
曰我圖數千戶郡尚未能得卿圖作佛不亦大乎
卒年五十五謚曰文穆贈司空不書贈譏無大功
而忝大位也四月己酉日蝕五月涼州牧張駿薨
駿以通好於我稱臣曰陛下天挺岐嶷堂構晉室
遭家不造播幸吳楚宗廟有忝離之哀園寢有殄
廢之痛臣遐域僻陋勢極秦隴石勒李雄旣死人
懷反正謂虎期之命曾不崇朝雍容江表坐觀

目前之安替四祖之業馳檄布告徒設空文

臣 霄吟荒漠痛心長路者也少康中興起于

一旅光武嗣漢衆不盈百況以荆揚慄悍臣州突
騎吞噬遺 在于掌握哉在位二十二年卒四月

日蝕五月駿薨主有應天之象也是歲世子重華
繼立趙石虎遣將王擢麻狄 金城金城太守張

冲降于狄涼州重華任謝艾爲中堅將軍配步騎

五千擊狄大破之初有裊鳴牙中艾曰裊邀也

六博得裊者勝今裊鳴牙中克敵之兆也世稱一

代名將也褚裊字季野獻后父也桓彝謂季野有

元龜 卷五 七
皮裏春秋謝安亦重之曰裒四時之氣備矣以后
父求出江州刺史在官清約而褻詣庾亮亮使郭
璞筮之曰非人臣卦及太后臨朝有司奏議欲加
不臣之禮裒上疏固讓歸藩進儀同三司書官議
不稱也十一月桓溫帥將軍周撫袁喬等伐蜀拜
表輒行見諸葛亮陣圖于魚復平沙之上壘石八
行相去三丈溫曰此常山蛇勢也文武皆莫能識
謂明帝溫克枉矢流西北本志枉矢以亂伐亂之
成都張本也
應也

經永和三年春帝正月二月桓溫攻成都李勢降夏四月秋九月地震冬十二月蕭敬文陷涪州取巴西通漢中

傳曰桓溫與李勢戰于窄橋溫參軍龔護沒衆懼彭吏誤鳴進鼓於是進攻之勢衆大潰溫乘勝

城勢面縛

界櫬

縛焚櫬送于京師九月地震者桓溫陰

盛臣

兆也振威護軍蕭敬文害征虜將軍楊

謙攻涪城陷之遂取巴西通漢中書蜀亂未已也

經永和四年帝正月夏五月大水秋九月燕慕容皝
死子雋嗣位冬十月石虎將符健寇竟陵

傳曰慕容皝死在位十五年子雋僭號追謚文明
皇帝雋既立卽燕王位依春秋列國故事稱元年
穆帝遣冊雋大單于燕王符健者符堅之伯也在
石虎 竟陵書符氏興張本也

經永和五年春帝正月石虎僭號于鄴夏四月周擊
范 獲之益州平石虎死子世嗣僞立五月石遵自
立秋十月褚裒次彭城遣將與石遵戰於代陂王師